

VENDIM
Nr. 50, datë 21.1.2015

**PËR HEQJEN NGA FONDI PYJOR DHE KULLOSOR KOMBËTAR TË
SIPËRFAQES PYJORE QË DO TË PËRDORET NGA SHOQËRIA “TAP-AG” PËR
NDËRTIMIN E RRUGËS “PRONOVIK-ZGËRBONJË-ANTENA”**

Në mbështetje të nenit 100 të Kushtetutës, të pikës 1, të nenit 17, të ligjit nr. 9385, datë 4.5.2005 “Për pyjet dhe shërbimin pyjor”, të ndryshuar, dhe të ligjit nr. 116/2013 “Për miratimin e marrëveshjes” ndërmjet qeverisë së Republikës së Shqipërisë dhe shoqërisë “TAP-AG”, me propozimin e ministrit të Mjedisit dhe ministrit të Energjisë dhe Industrisë, Këshilli i Ministrave

VENDOSI:

1. Sipërfaqja pyjore prej 4.092 (katër pikë zero nëntëdhjetë e dy) ha që do të përdoret nga shoqëria “TAP-AG” për ndërtimin e rrugës “Pronovik-Zgërbonjë-Antena”, në funksion të ndërtimit të gazsjellësit TAP-AG, hiqet nga Fondi Pyjor dhe Kullosor Kombëtar dhe çregjistrohet nga Kadastra Kombëtare e Pyjeve dhe Kullotave. Sipërfaqja pyjore, që hiqet nga fondit Pyjor dhe Kullosor Kombëtar, dhe harta përkatëse jepen në lidhjen 1, që i bashkëlidhet këtij vendimi dhe është pjesë përbërëse e tij.

2. Vlerat përkatëse të pakësimit në volum të lëndës drusore, produkteve të tjera pyjore dhe investimeve të kryera në vite në pyje, objekt i këtij vendimi, paguhet nga shoqëria “TAP-AG”, në bazë të lidhjes nr. 4. Që i bashkëlidhet vendimit nr. 391, datë 21.6.2006, të Këshillit të Ministrave, “Për përcaktimin e tarifave në sektorin e pyjeve dhe kullotave”, të ndryshuar.

3. Shoqëria “TAP-AG”, brenda 3 (tri) viteve, të pyllëzojë me fondet e veta 4.129 (katër pikë njëqind e njëzet e nëntë) ha, sipërfaqe me drurë pyjorë, në ekonominë pyjore të përcaktuar në marrëveshjen e lidhur, ndërmjet shoqërisë “TAP-AG” dhe Ministrisë së Mjedisit.

4. Me hyrjen në fuqi të këtij vendimi, bëhen ndryshimet përkatëse në regjistrin e Kadastrës Kombëtare të Pyjeve dhe Kullotave, ndërsa zyrat e regjistrimit të pasurive të paluajtshme bëjnë çregjistrimin e saj nga kategoria “Tokë e zënë, pyll dhe tokë me bimësi pyjore” dhe e regjistrojnë atë në kategorinë “Tokë e zënë, objekt i ndërtimit të rrugës “Pronovik-Zgërbonjë-Antena” në pronësi publike.

5. Ngarkohen Ministria e Mjedisit, Ministria e Energjisë dhe Industrisë, njësitë e qeverisjes vendore nga kalon rruga për ndërtimin e gazsjellësit TAP-AG dhe zyrat e regjistrimit të pasurive të paluajtshme për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Edi Rama

LISTA E NGASTRAVE DHE NËN NGASTRAVE QË HIQEN NGA FONDI PYJOR
DHE KULLOSOR PËR NDËRTIMIN E RRUGËS PRONOVIK-ZGËRBONJË-ANTENA,
NGA SHOQËRIA TAP - AG PËR LINJËN E GAZSJELLËSIT

QARKU BERAT

Lidhja 1

<i>ID Prones</i>	<i>Ekon.Pyjore</i>	<i>Ngastra</i>	<i>Administrimi</i>	<i>Sip. qe preket nga gjurma (ha)</i>
BR2800 158b1r1	Mali I Terpanit	158 b1	Ministria Mjedisit	0.1323
BR2800 158b2r1	Mali I Terpanit	158 b2	private (Tomorr Alizoti)	0.2011
BR2800 160b r1	Mali I Terpanit	160 b	komuna Vertop	0.0578
BR2800 24a r1	Mali I Terpanit	24 a	komuna Vertop	0.0133
BR2800 25b r1	Mali I Terpanit	25 b	komuna Vertop	1.5489
BR2800 26b r1	Mali I Terpanit	26 b	komuna Vertop	0.2636
BR2800 27b r1	Mali I Terpanit	27 b	komuna Vertop	0.0647
BR2800 28b r1	Mali I Terpanit	28 b	komuna Vertop	0.0913
BR2800 32b r1	Mali I Terpanit	32 b	komuna Vertop	0.4359
BR2800 33b r1	Mali I Terpanit	33 b	komuna Vertop	0.8233
BR2800 33c r1	Mali I Terpanit	33 c	komuna Vertop	0.2733
BR2200 93a r1	Guhak-Polican	93 a	komuna Bogove	0.1857
GJITHSEJ				4.0912

